



Sesida dals

17 d'avust 2021

Communitgà ils

20 d'avust 2021

Protocol nr.

755/2021

Incumbensa Horrer

concernent il rinforzament da las cumpetenzas d'ina CPI

Resposta da la Regenza

La Cumissiun parlamentara d'inquisiziun (CPI) è in instrument dal parlament per sclerir eveniments d'ina gronda impurtanza en l'administraziun statala u giudiziala. La CPI eruescha ils fatgs, procura per basas da giudicament, rapporta al Cussegl grond e fa ina proposta (art. 20 da la Lescha davart il Cussegl grond, LCG; DG 170.100). Sco instruments la stattan a disposiziun l'audiziun da perditgas da l'administraziun, l'interrogaziun d'infurmaturas ed infurmatur, la procuraziun d'infurmaziuns a bucca u en scrit d'uffizis, da commembras e commembers d'autoritads e da personas da l'administraziun, la consultaziun d'expertas e d'experts, la dumonda da survegnir tut las actas uffizialas ch'ella dovra per ademplir sia incumbensa sco er inspeziuns (art. 35 LCG).

La CPI "Cartel da construcziun" constatescha en ses rapport parzial dals 11 da matg 2021 (nota marginala 862, p. 355 s.) che l'obligaziun per collavurar en l'investigaziun sa restrenschia tenor la situaziun giuridica vertenta a personas che sajan actualmain commembras u commembers d'ina autoritad u personas employadas dal chantun. Anterieras commembras ed anteriurs commembers d'ina autoritad u anteriuras personas employadas da l'administraziun chantunala na dastgassan betg vegnir obligads da collavurar senza ch'ellas ed els èn perencletgs cun quai. Ina CPI erueschia fatgs che sajan per part capitads avant blers onns. Per far sia investigaziun saja ella pia regularmain dependenta da decleraziuns da talas personas(-clav). En vista a l'incumbensa speziala d'ina CPI da sclerir eveniments d'ina gronda impurtanza en l'admini-

straziun statala u giudiziala, vegnia perquai recumandà da dar ad ina CPI cumpetenzas pli vastas e da stgaffir per quai la basa legala necessaria. Plinavant stoppia vegnir considerà, sch'i vegnia ultra da quai stgaffida la pussaivladad da pudair interrogar sut tschertas circumstanzas er persunas d'ordaifer l'administraziun sco perditgas ed obligar ellas da consegnar actas che sa chattan en lur mauns.

La CPI è in instrument parlamentar impurtant d'ina gronda relevanza politica. Igl è franc inditgà d'examinar criticamain las basas legalas existentas sin fundament da las experientschas che l'emprima CPI en l'istorgia dal chantun Grischun ha fatg per ademplir sia incumbensa. Latiers tutgan tranter auter in'examinaziun dals instruments d'investigaziun disponibels e pussaivels sco er ina cumparegliaziun intercantunala.

Sa basond sin questas explicaziuns propona la Regenza al Cussegl grond d'acceptar questa incumbensa.



En num da la regenza

Il president:

Il chancelier:

Dr. Mario Cavigelli

e.sub. C. Hartmann Lütscher